

《馬鳴菩薩大神力無比驗法念誦軌儀》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 20, No. 1166

No. 1166

馬鳴菩薩大神力無比驗法念誦軌儀

金剛智奉 詔譯

曩日釋迦如來菩提樹下坐大眾集會中。時馬鳴菩薩前白佛言。欲說我莊嚴佛法。及為成像末貧窮下賤裸形眾生有情衣服。歷無數劫行菩薩行。所得大神呪有大威德。色力無比。能於世間行殊勝事。無能礙罣。時即佛微笑告馬鳴菩薩言。善哉大丈夫。汝速可說可說。唯然世尊愍念我聽說。合掌歡喜從口中放大光明。說光中神呪曰

曩謨三曼多沒他那迦迦馬鳴吃哩吒囉佢吒囉佢莎縛訶

若欲受持此法。先從師盡財利布施供給。受習印契真言。則畫作菩薩像。色相白肉色而合掌坐白蓮華。乘白馬著白色衣。以瓔珞莊嚴身。首戴花冠垂右足。畫像了泥壇。始自三月三日。東面像向西。以種種廣大供具蘇乳蘇燈供養。二十八日乃至百日。須清淨潔淨。比丘及傳法利生之師恩不已失時。我常檀那家及國土放大光明。成就錦繡羅綿財絹綻緻之類。金寶積如山岳。世間受用咨(矣)

若有一國一人。修行我本誓故。普天率土民家皆悉如前所說。財利莊嚴具成就。一人莫乏有患。我本願皆悉為莊嚴財寶。於若法至疑惑之心。發起不信之念。不成就一世之願故。後世之果不定。好好以堅固之情歸於法。非忌傳授之德。我必日日時時加護念。圓滿世間第一妙樂之財利。如向所說係念本誓。向寶壇前。作契印念誦。屈左中指無名指。以大母指押彼二指甲。舒頭指及小指安心上。右手把數珠念真言。此名玉環成就一切所願印。此契印末代愚學之妄不可記於文字。萬人中撰十人。十人之中撰一人。許可(矣)

成就蠶養儀軌